

MARKAÐURINN

Miðvikudagur 12. febrúar 2020

6. tölublað | 14. árgangur

FYLGIRIT FRÉTTABLAÐSINS UM VIÐSKIPTI OG FJÁRMÁL

 ROLEX	 TUDOR		<p>Verið velkomin í nýja og glæsilega verslun okkar á Hafnartorgi</p> <p>MICHELSEN 1909</p> <p>Hafnartorg · 511 1900 · michelsen.is</p>
 TAGHeuer	 LONGINES		
 NOMOS GLASHÜTTE	 TISSOT		

Sameinast um dauða innviði!



Fjarskiptafyrirtækin gera sér vonir um samstarf um uppbyggingu innviða með 5G-væðinguna í fyrirrúmi. Forstjórnarnir segja kapphlaup um fjárfestingar í óvirkum innviðum fela í sér gríðarlega sóun. »4



»2 Lansdowne selt fyrir um sjö milljarða króna

Breski vogunarsjóðurinn hefur losað um hluti í skráðum félögum fyrir um sjö milljarða á um þremur mánuðum. Salan nemur yfir sex milljörðum það sem af er ári. Ávöxtun verið lítil eða neikvæð.

»6 Íslenskur Þjóðarsjóður

„Stofnun Þjóðarsjóðs mun auka traust Íslands út á við og sýna fjárhagslegan styrk ríkissjóðs sem ætti að skila sér í bættara aðgengi fyrirtækja að fjármögnun á betri kjörum,“ segir Valdimar Ármann, sérfræðingur í markaðsviðskiptum hjá Arctica Finance, í aðsendri grein.

»7 Fjárfestu í sprotafyrirtækjum fyrir tíu milljarða

Fjárfest var í sprotafyrirtæki á þrettán daga fresti í fyrra. Stofnandi Northstacks segir að síðastliðið ár hafi verið gott. Erlendir fjárfestar hafa lagt sitt af mörkum undanfarin fimm ár. Lítið fé er eftir í sjóðum sem fjárfesta í nýsköpun.

NÝTT! LINSUR SEM DÖKKNA Í SÓL



Breyting sem verður við sólarljós eða mikla birtu

Optical Studio
SMÁRALIND · HAFNARTORG · LEIFSSTÖÐ · KEFLAVÍK

Níu af hverjum tíu búast við að hagræða á árinu

Framleiðslufyrirtæki þurfa að bregðast við áskorunum og krefjandi starfsumhverfi á árinu 2020 sem verður ár hagræðingaraðgerða. Þetta má lesa úr niðurstöðum könnunar sem Outcome framkvæmdi fyrir Samtök iðnaðarins. Allir stjórnendur stórra og meðalstórra fyrirtækja segjast ætla að ráðast í hagræðingaraðgerðir á árinu, og 88 prósent svarenda segja mjög líklegt eða frekar líklegt að gripid verði til slíkra aðgerða.

Í könnuninni voru stjórnendur framleiðslufyrirtækjanna beðnir um að meta helstu áskoranir í þeirra rekstri og var launakostnaður sú áskorun sem flestir stjórnendanna sögðu vera mjög mikla um þessar mundir. Spurt var um ýmsa áhrifaþætti á borð við skatta og gjöld, aðgengi að lánsfjármagni og sveiflur í efnahagsmálum. Hver áskorun var metin á skalanum 1 til 5 þar sem 1 er mjög lítil áskorun og 5 mjög mikil áskorun.

Niðurstöður fyrir launakostnað voru 4,55 af 5 og eru sagðar benda til þess að framhald verði á þeirri þróun í atvinnu sem þegar er hafin en launþegum í framleiðsluiðnaði hefur fækkað undanfarið. Fækkunin var komin í fjögur prósent í október í fyrra.


„Launahækkunir síðustu kjarasamninga eru ekki í neinum takti við getu íslensks framleiðsluiðnaðar. Samkeppnisstaða gagnvart innfluttri vöru versnar enn frekar,“ hafa samtökin eftir einum stjórnanda og annar talar á svipuðum nótum:

„Launakostnaður mjög þungur. Launahlutfall miðað við veltu orðið hærri en við höfum séð áður. Erfitt að hækka verð til að mæta auknum kostnaði.“

Samtök iðnaðarins segja afstöðu stjórnenda koma heima og saman við að laun á vinnustund hér á landi séu nú með þeim hæstu á meðal iðn-

Ár hagræðingaraðgerða

Hversu líklegt er að þitt fyrirtæki gripid til hagræðingaraðgerða á árinu 2020?



Mjög líklegt	52%
Frekar líklegt	36%
Hvorki né	7%
Frekar ólíklegt	2%
Mjög ólíklegt	3%

væðra ríkja. Raungengi krónunnar á mælikvarða launa standi sögulega hátt um þessar mundir og samkeppnisstaða gagnvart erlendum keppinautum sé veik með tilliti til launakostnaðar. Þá séu fyrirtækin að takast á við þessa stöðu á sama tíma og samdráttur er víða í eftirspurn, til dæmis á innlendum markaði.

Næstmesta áskorunin var skattar og gjöld hér á landi. Samtökin segja það ekki koma á óvart þar sem skattheimta á íslensk fyrirtæki sé há í alþjóðlegum samanburði. Skattahækkunir eftir efnahagsfallið 2008 hafi að stórum hluta fest sig í sessi.

Í þessu samhengi nefna samtökin hátt tryggingagjald sem eykur launakostnað fyrirtækja og dregur úr afli þeirra til að ráða starfsmenn. Auk þess séu fasteignaskattar á fyrirtæki hér á landi háir í alþjóðlegum samanburði. – þfh


MARKAÐURINN

ÚTGÁFUFLÉLAG Torg., Kalkofnsvegur 2, 101 Reykjavík, sími 550 5000

Netfang ritstjorn@markadurinn.is | Sími 550 5051

Ritstjóri Hördur Egiðsson hordur@frettabladid.is

Netfang auglýsingadeildar auglysingar@frettabladid.is Veffang frettabladid.is



Lansdowne Partners hóf innreið sína á innlendan hlutabréfamarkað haustið 2017. FRÉTTABLAÐIÐ/ANTON BRINK

Lansdowne selt fyrir sjö milljarða króna

Breski vögunarsjóðurinn Lansdowne Partners hefur losað um hluti í skráðum félögum fyrir um sjö milljarða á um þremur mánuðum. Salan nemur yfir sex milljörðum það sem af er ári. Ávöxtun sjóðsins verið lítil eða neikvæð.

Sjóður á vegum Lansdowne Partners, breska vögunarsjóðsins sem hóf innreið sína á íslenskan hlutabréfamarkað haustið 2017, hefur frá því í október í fyrra selt sig niður í fimm skráðum félögum fyrir samtals um sjö milljarða króna. Þar af hefur hann selt fyrir ríflega sex milljarða króna á þessu ári. Þetta leiðir athugun Markaðarins í ljós.

Vögunarsjóðurinn hefur þannig minnkað verulega eignarhlut sinn í þeim sex skráðu félögum sem hann fjárfesti í hér á landi og er hann sem dæmi aðeins í hópi tíu stærstu hluthafa í tveimur félögum. Til samanburðar var sjóðurinn á meðal átta stærstu hluthafa í fimm félögum í október í fyrra.

Má almennt ætla að ávöxtun af fjárfestingum sjóðsins, sem voru flestar gerðar síðla árs 2017, hafi verið lítil sem engin og í sumum tilfellum verið neikvæð.

Fjárfestingar Lansdowne í íslenskum hlutabréfum, sem sjóðsstjórnin David Craigen hefur haft yfirumsjón með, nema nú samanlagt um 8,2 milljörðum króna og munar þar mest um líðlega 4,2 prósent hlut í Arion banka að virði um 6,3 milljarðar króna miðað við núverandi gengi hlutabréfa í bankanum.

Sjóðurinn hefur selt hátt í eins prósent hlut í Arion banka fyrir tæplega 1,4 milljarða króna það sem af er árinu en hann kom fyrst inn í hluthafahóp bankans í hlutafjárútbóði hans í júní árið 2018.

Lansdowne hefur selt hvað stærstan hlut í Festi, móðurfélagi N1, Krónunnar og Elko, á undan-

Eignarhlutur Lansdowne

	Okt. 2019	Núverandi
Arion banki	5,1%	4,2%
Festi	6,0%	2,0%
Sýn	14,2%	3,7%
TM	7,1%	2,1%
VÍS	7,3%	0-1,4%

8,2

milljarðar er virði núverandi fjárfestinga Lansdowne Partners í skráðum félögum.

förnum vikum en frá því um miðjan síðasta mánuð hefur sjóðurinn selt hátt í fjögurra prósent hlut í smá-sölu- og eldsneytisfélaginu fyrir um 1,8 til 1,9 milljarða króna, samkvæmt útreikningum Markaðarins. Fer hann nú með tveggja prósent hlut í félaginu.

Jafnframt hefur eignarhlutur vögunarsjóðsins í VÍS minnkað verulega á síðustu vikum – en hann var 7,15 prósent í byrjun ársins – og er sjóðurinn ekki lengur í hópi tuttugu stærstu hluthafa tryggingafélagsins. Má leiða líkur að því að Lansdowne hafi selt bréf í félaginu fyrir allt að 1,6 milljarða króna það sem af er árinu.

Lansdowne hefur enn fremur minnkað hlut sinn í öðru tryggingafélagi, TM, en frá því í desember í fyrra hefur sjóðurinn selt tæplega fimm prósent eignarhlut í félaginu

fyrir allt að 1,4 milljarða króna. Eftir ríflega 670 milljóna króna sölu síðasta föstudag fer vögunarsjóðurinn með rúman tveggja prósent hlut í tryggingafélaginu.

Þá hefur Lansdowne selt um 10,5 prósent hlut í Sýn, sem var fyrsta fjárfesting sjóðsins hér á landi, á síðustu fjórum mánuðum fyrir hátt í einn milljarð króna. Hélt hann í lok síðasta mánaðar á 3,7 prósent hlut í fjarskipta- og fjölmíðlafélaginu. Vögunarsjóðurinn var um nokkurra mánaða skeið stærsti hluthafi Sýnar með um 14,2 prósent hlut áður en hann hóf að selja sig niður í félaginu í október í fyrra.

Því til viðbótar seldi vögunarsjóðurinn hlutabréf sín í Símanum á fyrri hluta síðasta árs en hann fór með 2,5 prósent hlut í fjarskiptarísanum í lok árs 2018. Má ætla að söluandvirði bréfa hafi numið allt að 900 milljónum króna. Lansdowne var í hópi nokkurra erlendra fjárfesta sem minnkuðu talsvert við sig í Símanum á vormánuðum síðasta árs á sama tíma og Stodir hófu að fjárfesta í félaginu.

Almennt má segja að ávöxtun af fjárfestingum Lansdowne, að kaupum hans í Arion banka undanskildum, hafi verið lítil sem engin. Á það sérstaklega við um fjárfestingu sjóðsins í Sýn. Þannig byggði hann upp stöðu í félaginu síðla árs 2017 þegar gengið var yfir sextu krónum á hlut en seldi svo stærstan hluta bréfa sinna síðasta haust á gengi sem var undir þrjátíu krónum á hlut. Auk þess má gera ráð fyrir að gengisáhrif krónunnar hafi almennt verið til lækkunar á virði íslenskra eigna sjóðsins. kristinningi@frettabladid.is

Sendiráð Kanada kaupir Fjólugötu 1

Kanadíska sendiráðið gekk í lok síðasta mánaðar frá kaupum á einbýlishúsi við Fjólugötu 1 í Þingholtunum í miðborg Reykjavíkur sem áður var í eigu Sólveigar Pétursdóttur, fyrrverandi dómsmálaráðherra. Samkvæmt kaupsamningi nam kaupverðið 265 milljónum króna.

Umrætt hús, sem var fyrst sett á sölu árið 2016, er 473 fermetrar að stærð en það er á tveimur hæðum og er undir því kjallari. Það er staðsett neðst í Þingholtunum, gegnt Hallar-



Kanadíska sendiráðið hefur eignast Fjólugötu 1. FRÉTTABLAÐIÐ/SIGTRYGGUR

garðinum, með útsýni yfir Reykjavíkurtjörn.

Húsið á Fjólugötu 1 var teiknað af Sigurði Guðmundssyni arkitekt og byggt árið 1926 en endurnýjað árið 2002. Fasteignamat þess er líðlega 174 milljónir króna. Engar veðskuldir hvíldu á húseigninni, eftir því sem fram kemur í kaupsamningnum.

Kanadíska sendiráðið er til húsa við Túngötu en ekki liggur fyrir hvort húseignin við Fjólugötu verði nýtt sem sendiráðsbústaður. – kj

RAFMÓTORAR



SCANVER EHF 588 80 40
www.scanver.is

GÍRAR - FÆRIBÖND - RAFMÓTORAR - LEGUR



SUBARU

Confidence in Motion



RAFMAGNIÐ ER KOMIÐ Í SUBARU

ÞÚ VERÐUR AÐ PRÓFA!

Ný kynslóð Subaru Forester er nú í fyrsta sinn búin nútíma raftækni sem kallast e-BOXER HYBRID. Í henni sameinast kostir þverliggjandi BOXER-vélar með einstaklega lágan þyngdarpunkt og rafmótors sem á hljóðlátan hátt sparar eldsneyti, eykur afl og minnkar CO₂ útblástur.

NÝR SUBARU FORESTER e-BOXER HYBRID

SUBARU FORESTER PREMIUM e-BOXER HYBRID

Sjálfskiptur, verð: 6.890.000 kr.

Bílasalan Bílás
Akranesi
www.bilas.is
431 2622

Bílasala Akureyrar
Akureyri
www.bilak.is
461 2533

Bílaverkstæði Austurlands
Egilsstöðum
www.bva.is
470 5070

IB ehf.
Selfossi
www.ib.is
480 8080


BL söluumboð
Vestmannaeyjum
481 1313
862 2516

Bílasala Reykjaness
Reykjanesbæ
www.bilasareykjaness.is
419 1881

BL ehf
Sævarhöfða 2 / 110 Reykjavík
525 8000 / www.bl.is



ENNEMM / SIA / NW98092



Allir geta tapað á kapphlaupinu

Fjarskiptafyrirtækin gera sér vonir um samstarf um uppbyggingu innviða með 5G-væðinguna í fyrirrími. Boltinn byrjaði að rúlla eftir að veðurofsinn í vetur afhjúpaði veikleika kerfisins. Forstjórnarnir segja kapphlaup um fjárfestingar valda gríðarlegri sóun.

Þorsteinn Friðrik Halldórsson
tfh@frettabladid.is



Fjórða iðnbyltingin og allt það sem fylgir henni þýðir að samkeppnishæfni landsins ræðst af traustum og þróðum innviðum. Fjárfestingakapphlaup mun hins vegar leiða af sér gríðarlega sóun og hærri kostnað til viðskiptavina og fyrirtækja," segir Heiðar Guðjónsson, forstjóri Sýnar, í samtali við Markaðinn.

Sýn, Síminn og Nova tilkynntu undir lok síðasta árs að fyrirtækin hefðu undirritað viljayfirlýsingar um viðræður um möguleika á samnýtingu og samstarfi við uppbyggingu fjarskiptainnviða.

„Viðræður eru enn á byrjunarstigi en það liggur í augum uppi að fram undan er uppbygging í 5G þannig að ætla má að hún verði það fyrsta sem

Það getur verið að í ákveðnum atriðum og á ákveðnum svæðum séu markaðsbrestir og erfitt að koma við samkeppni, og þá þarf sérstaklega að taka á því.

Páll Gunnar Pálsson,
forstjóri
Samkeppnis-
eftirlitsins



við horfum til. Hvað okkur varðar horfum við til þess hvernig fyrirtæki hafa verið að gera þetta víða erlendis en uppbygging fjarskiptakerfa er í flokki afar mikilvægra innviðafjárfestinga," segir Margrét Tryggvadóttir, forstjóri Nova.

Ávinningurinn af samstarfi

felst í hagkvæmri nýtingu framleiðsluþátta þjóðfélagsins, minna umhverfisraski og auknu almannaöryggi. Staðan í dag er þannig að víða eru sams konar innviðir frá mismunandi fyrirtækjum hlið við hlið þar sem lítil eða engin forsenda er fyrir samkeppni. Fyrirtækin eru að skoða samstarf um þá innviði sem veita ekki mikið forskot í samkeppni innbyrðis en eru dýrir og valda miklu raski.

„Forsendur sem lagðar eru til grundvallar á EES-svæðinu eru að virk samkeppni sé best til þess fallin að tryggja aðgengi, uppbyggingu og framþróun fjarskiptakerfa," segir Páll Gunnar Pálsson, forstjóri Samkeppniseftirlitsins.

„Það getur hins vegar verið að í ákveðnum atriðum og á ákveðnum svæðum séu markaðsbrestir og erfitt að koma við samkeppni, og þá þarf sérstaklega að taka á því," segir Páll Gunnar.

Það liggur í augum uppi að fram undan er uppbygging í 5G þannig að ætla má að hún verði það fyrsta sem við horfum til.

Margrét Tryggvadóttir,
forstjóri Nova



Viðræðurnar munu að miklu leyti snúa að uppbyggingu á 5G-kerfum sem verður grunnstoðin að því sem hefur verið nefnt fjórða iðnbyltingin og internet hlutanna (IoT). Hún mun krefjast umtalsverðra fjárfestinga í bæði farnetum og ljósleiðaranetum á næstu árum.

„Fyrsta útgáfan af 5G er náttúrulegt framhald af 4G en ef við ætlum okkur að byggja upp alvöru 5G-kerfi, sem er með hundrad sinnum fleiri senda en í 4G á vissum svæðum, þá er það risavaxið verkefnið. Efkerfið ætti að dekkja svipuð svæði og önnur farsímakerfi gera í dag þá held ég að fjárfestingin geti hlaupið á mörgum tugum milljarða ef fyrirtækin ákveða að gera þetta hvert í sínu horni. Til þess að tækifærin sem felast í 5G nýtist sem flestum íbúum landsins þarf að haga uppbyggunni með eins hagkvæmum hætti og unnt er. Þar getur skynsamleg samnýting innviða og samstarf í uppbyggingu verið lykilatriði," segir Orri Hauksson, forstjóri Símans.

„Notendur gera sífellt meiri kröfur og nú þegar bílar, armbandsúr og nýjustu heimilistækin eru öll tengd við netið þurfa fjarskiptakerfin að vera undirbúin. Nova hefur lagt út í

Skotsilfur



Friðrik á útleið

Búast má við talsverðri upp-stökkun á stjórn Íslandsbanka, sem er í eigu ríkissjóðs, á næsta aðalfundi sem áætlað er að fari fram 19. mars. Eftir tíu ára samfellda setu sem stjórnarformaður er **Friðrik Sophusson**, sem kom fyrst inn í stjórn bankans í janúar 2010, sagður vera á útleið og hið sama á við um Tómas Mú Sigurðsson, sem settist í stjórnina fyrir um ári og er varaformaður, en hann tók við sem forstjóri HS Orku í ársbyrjun. Frekari breytinga má vænta á stjórninni en Bankasýslan vinnur nú að stöðuskýrslu um leiðir við sölu á hlutum ríkisins í bankanum. Fjármálaráðherra sagði í síðustu viku rétt að hefja undirbúning að sölu á Íslandsbanka í skrefum.



Hætta hjá Lykli

Sverrir Viðar Hauksson, sem hefur starfað sem sviðsstjóri viðskiptasviðs Lykils fjármögnunar frá árinu 2016, lét nýverið af störfum hjá eignaleigufyrirtækinu samfara skipulagsbreytingum sem stjórnendur TM, nýs eiganda Lykils, kynntu í lok síðasta mánaðar. Sverrir Viðar hafði starfað hjá Lykli og forvera þess frá árinu 2013, fyrst sem framkvæmdastjóri viðskiptaþróunar félagsins. Sighvatur Sigfússon, sem hefur gegnt starfi sviðsstjóra fjármálasviðs Lykils, hætti einnig störfum hjá félaginu í liðnum mánuði.



Þarf að svara

Úrskurðarnefnd um upplýsingamál hefur fellt úr gildi ákvörðun fjármálaráðuneytisins um að sýnja beiðni blaðamanns á Viðskiptablaðinu um aðgang að öllum fundargerðum Lindarhvals sem **Bjarni Benediktsson** ráðherra kom á fótt 2016. Ráðuneytið bar því við að meðferð beiðninnar, sem fælist í að afmá upplýsingar úr fundargerðum, myndi taka það langan tíma að það kæmi niður á öðrum lögbundnum störfum. Þannig væri fyrirsjáanlegt að afgreiðsla málsins úrtheimti í það minnsta 25 tíma vinnu. Nefndin tók þau svör ekki gild og lagði fyrir ráðuneytið að taka málið til nýrrar afgreiðslu.



Fjárfestar í Ericsson taka vel í hugmyndir um bandaríska fjárfestingu



Starfsmenn á vegum Ericsson sjást hér setja upp-5G sendi. Hlutabréfaverð í sænska fjarskiptafélaginu hækkaði um hátt í sex prósent í síðustu viku eftir að William Barr, dómsmálaráðherra Bandaríkjanna, lýsti því yfir að Bandaríkin og bandamenn þeirra ættu að íhuga að fjárfesta í félaginu eða hinu finnska Nokia til þess að sporna gegn því að kinverski tæknirisinn Huawei tæki forystu í þróun 5G-fjarskiptatækninnar. NORDICPHOTOS/GETTY

Íslenskur Þjóðarsjóður



Valdimar Ármann sérfræðingur í markaðs- viðskiptum hjá Arctica

- Stöðugleikasjóður fyrir gjald-eyrisflæði
- Auðlindasjóður óendurnýjanlegra auðlinda

Nú þegar er Ísland í rauninni með tvo stóra sjóði sem uppfylla tvö eftirsótt markmið, það er söfnun lífeyris þar sem lífeyrissjóðirnir eru að mestu leyti fullfjármagnaðir (fyrir utan B-deild LSR) og gjaldeyrisforði Seðlabanka Íslands sem er mögulegt að nýta sem stöðugleikatæki á gjaldeyrismarkaði og því nokkurs konar sveiflujöfnunartæki í tilfelli áfalls í utanríkisviðskiptum. Ekki hefur verið litið svo á að Ísland sé að nýta óendurnýjanlegar auðlindir og því sé mögulegt að nýta hagnað af nýtingu auðlinda okkar í samneyslu og fjárfestingar. En það mætti hugsa íslenskan þjóðarsjóð sem hefðbundinn auðlindasjóð þar sem ábatinn af auðlindum er sparður og dreift jafnar milli kynslóða.

Míðað við stöðuna á loftslagsmálum og hlýnun andrúmslofts er nú metið að jöklarnir okkar muni bráðna hraðar á næstu áratugum og því minnka hraðar og jafnvel hverfa. Aukin bráðnun þýðir meira rennsli í jökulám sem gerir okkur kleift að fá meiri orku frá vatnsaflsvirkjunum. Nú hefur raforkuverð til stóriðju verið að hækka jafnt og þétt og spár um auknar arðgreiðslur

- Söfnun lífeyris fyrir landsmenn



Stofnun Þjóðarsjóðs mun auka traust Íslands út á við og sýna fjárhagslegan styrk ríkissjóðs.

Landsvirkjunar eru að verða að veruleika. En ef jöklarnir minnka þá er ekki hægt að segja að vatnsaflsvirkjanirnar séu að fullu að búa til endurnýjanlega orku heldur mun krafturinn þverra með tíð og tíma. Ef þetta er raunin, þá er ekki skynsamlegt að nýta auknar tekjur af Landsvirkjun til þess að fjármagna samneysluna. Frekar má heimfæra hugmyndafræði Þjóðarsjóðsins að einhverju leyti á oliusjóð Norðmanna og safna arði og ábata af auðlindum okkar, það er auðlindarentunni, taka til hliðar og geyma til framtíðar. Hugmyndafræði oliusjóðsins í Noregi er í grunninn sú að oliuauðlindin er ekki endurnýjanleg og að á einhverjum tímipunkti muni hana þrjóta. Því er hagstætt að spara ábatann og búa í hagninn fyrir minni tekjur í framtíðinni og koma samhliða í veg fyrir auðlinda-bölvun og hollensku veikina, það er

í stuttu máli ofhitnun hagkerfisins meðan á nýtingu auðlindar stendur og kólnun þegar hana þrýtur.

En jafnframt mætti hugsa sér að í Þjóðarsjóðinn renni gjaldeyris-tekjur af ferðamannaþjónustu sem hefur verið sívaxandi undanfarinn áratug og einn stærsti áhrifavaldurinn í því að Ísland er með jákvæða hreina erlenda stöðu og viðvarandi viðskiptaafgang. Hins vegar er mikil vöntun á innviðafjárfestingum á Íslandi sem tengjast margar hverjar ferðamönnum, til dæmis í vegakerfinu, og þyrfti að nýta tekjur fyrst í slíkar fjárfestingar.

Stofnun Þjóðarsjóðs mun auka traust Íslands út á við og sýna fjárhagslegan styrk ríkissjóðs sem ætti að skila sér í bættara aðgengi fyrirtækja að fjármögnun á betri kjörum. Erlendir fjárfestar munu taka þessu sem mjög jákvæðu merki og gæti verið hluti af því að laða til landsins erlenda fjárfestingu. Það er auðsæð að fjárfestingar Þjóðarsjóðs séu að fullu erlendis enda er stærstur hluti tekna af orkusölu í erlendri mynt. Beina ætti fjárfestingum sjóðsins í áhættulitlar eignir og mestu máli skiptir að eiga öruggar erlendar eignir – fjárfestingarstefnan sem slík þarf því ekki að vera flókin og til að byrja með mætti leita í bandarísk ríkisskuldabréf sem gefa jákvæða ávöxtun.

Fjárhagsáhyggjur í fæðingarorlofi



Björn Berg Gunnarsson deildarstjóri greiningar og fræðslu hjá Íslandsbanka

Foreldrahlutverkið kemur skemmtilega á óvart á þann veg að vera samtímis meira vesen en við höfðum áætlað en líka mun yndislegra. Þegar barn kemur í heiminn, með öllu tilheyrandi, viljum við umfram allt njóta þeirra

góðu stunda sem við eigum með barninu og helst hafa þær sem allra flestar.

Fæðingarorlofsrétturinn sem launafólk hér á landi hefur er afar dýrmætur og skyldi ekki tekið sem sjálfsögðum hlut, þar sem hann gefur okkur færi á að njóta samveru með barninu án teljandi áhrifa á fjárhaginn. Eða þannig ætti hann að vera.

Þrátt fyrir að hámarksgreiðslur hafi hækkað um fjórðung á undanförunum þremur árum og mánuði verið bætt við þá sem í boði eru mun taka fæðingarorlofs óum-



Orlofsgreiðslan verður aldrei hærri en 80 prósent heildarlauna og fer ekki yfir 600.000 krónur á mánuði.

flýjanlega hafa áhrif á tekjur heimilisins, bæði í dag og á lífeyrisaldri.

Orlofsgreiðslan verður aldrei hærri en 80 prósent heildarlauna og fer ekki yfir 600.000 krónur á mánuði. Þá er ekki greitt mótframlag í viðbótarlífeyrissparnað og þar sem hægir á réttindaávinnslu í lífeyrissjóði sökum lægri tekna hefur þetta einnig í för með sér tekju-skerðingu þegar komið er á eftirlaunaaldur. Ef við höfum ekki borð fyrir báru fjárhagslega þegar fjölga í fjölskyldunni er hætt við að þetta valdi fjárhagslegum erfiðleikum eða í það minnsta áhyggjum og það

er það síðasta sem við viljum verja fæðingarorlofinu í.

Samhliða skertum tekjum fylgir barneignum að sjálfsögðu kostnaður. Virkur markaður með notaðar barnavörur hjálpar vissulega við að halda þeim útgjöldum í skefjum en bílstólar, klæðnaður, bleyjur og aðrar nauðsynjar eru fljótar að telja.

Sama hvernig snýr á fjárhagshliðinni er þetta þegar öllu er á botninn hvolft allt saman að sjálfsögðu vel þess virði og rúmlega það.

Ekki spara barneignirnar, munum bara að spara fyrir þeim svo við njótum þeirra betur.

SKOÐUN

Helgi Vífill
Júliusson



Sjálfskaparviti

Það stefnir í langt verkfall hjá starfsmönnum Eflingar í Reykjavíkurborg. Það er ekkert í kortunum sem mun stöðva baráttu Sólveigar Önnu Jónsdóttur verkalýðsforingja. Auk þess situr verkalýðsfélagið á dígrum verkfallssjóði, hann var tæplega 2,8 milljarðar króna við árslok 2018 og getur því stutt við bakið á þeim 1.800 félagsmönnum sem eru í verkfalli nokkuð lengi.

Engu að síður verður forysta Eflingar að gæta sín á að launahækkanir í borginni muni ekki bitna á félagsmönnum í öðrum störfum. Það liggur í augum uppi að verði gengið að kröfum Eflingar mun höfrungahlaup hefjast, verðbólga fer á skrið, lífskjarasamningurinn raknar upp og fyrirtæki munu mæta auknum launakostnaði með uppsögnum. Forysta Eflingar verður að horfast í augu við samhengi hlutanna.

Eflingarfolk þarf að hafa hugfast að verkföll í leikskólum bitna einkum á venjulegum fjölskyldum í Reykjavík. Það er ekki verið að vængstýfa atvinnulífið svo heitið geti eins og sumir kunna að telja sér trú um. Foreldrar þurfa að taka fri frá vinnu og dragist verkfallið á langinn munu margir neyðast til að vera í launalausum frii. Það mun koma verst niður á þeim sem eiga erfitt með að ná endum saman og búa ekki að sterku baklandi til að aðstoða við barnapóssun. Eflaust eru einhverjir félagsmenn í Eflingu í þeim hópi.

Það má öllum vera ljóst að um hættuspil er að ræða. Háskólamenntaðir leikskólakennarar munu ekki sætta sig við það að fá sambærileg laun og ófaglærðir. Aukin menntun hefur bætt leikskólastarfið og mikilvægt er að umbuna kennurum fyrir að ganga menntaveginum svo halda megi áfram á þeirri braut. Á sama tíma er Bandalag háskólamanna með lausa kjarasamninga, margir félagsmenn eru ósáttir við kjör sín og munu krefjast verulegra launahækkana gangi atlagu Eflingar eftir.

Á Íslandi eru greidd ein hæstu laun í heimi. Til að halda þeirri stöðu þarf að skapa fyrirtækjum heilbriggt umhverfi til að fjárfesta í rekstrinum. Há verðbólga, sem er fylgifiskur höfrungahlaupsins, mun draga úr vilja til að fjárfesta og leiðir til þess að Seðlabankinn þarf að hækka stýrivexti. Það mun draga enn frekar úr getu atvinnulífsins til að byggja sig upp. Afleiðingin verður að efnahagslífið mun með tíð og tíma ekki geta staðið undir jafnháum launum og nágrannaþjóðir okkar.

Það er nefnilega auðvelt að glutra niður góðri stöðu. Nú stöndum við frammi fyrir þeirri hættu að allt fari á hliðina. Sjálfskaparvitin eru víða.

Eyrir Ventures fjárfestir í Atmonia

Eyrir Ventures, sprotafjárfestingafélag Eyrir Invest, fjárfesti nýverið í íslenska sprotafyrirtækinu Atmonia sem vinnur að þróun byltingarkennds ferlis til umhverfisvænnar áburðarframleiðslu á smáskala. Í kjölfarið tók Örn Valdimarsson, framkvæmdastjóri fjárfestinga Eyrir Invest, sæti í stjórn fyrirtækisins.

Eyrir Ventures fjárfesti í breytanlegu skuldabréfi Atmonia fyrir um fjórtíu milljónir króna en Örn segir í samtali



Örn Valdimarsson,
framkvæmdastjóri
fjárfestinga Eyrir
Invest.

við Markaðinn að félagið geri ráð fyrir að taka þátt í frekari fjármögnun sprotafyrirtækisins síðar meir.

Auk Arnar hefur Viktoría Valdimarsdóttir, ráðgjafi og einn stofnenda Ábyrgra lausna, sest í stjórn Atmonia en fyrir í stjórn situr stjórnarformaðurinn Egill Skúlason, prófessor í efnaverkfræði við Háskóla Íslands og einn stofnenda sprotafyrirtækisins. Stundur rannsóknarhópur hans á bak við fyrirtækið. – kij

06.02.2020

Fyrsta skrefið væri að orðið framleiðni væri notað í kjaraviðræðum. Ekki leiðrétting.

Ásgeir Jónsson,
seðlabankastjóri



Bókhald & laun

Enginn tími fyrir bókhaldið?

Með nýjum rafrænum lausnum sjáum við um bókhald þitt á einfaldan og öruggan hátt meðan þú sinnir rekstrinum og hefur góða yfirsýn yfir stöðuna.

Taktu skrefið inn í framtíðina með okkur, útvistaðu bókhaldinu og njóttu þess að hafa meiri tíma fyrir þig.

Sjá nánar á www.pwc.is/bokhald



PwC | Bókhald & laun | Sími 550 5300 | www.pwc.is

PwC á Íslandi er framsækið og traust fyrirtæki sem veitir sérfræðipjónustu á sviði fyrirtækja- skatta- og lögfræðiráðgjafar, endurskoðunar og reikningsskila. Fyrirtækið er íslenskt og er hluti af alþjóðlegu neti sjálfstæðra fyrirtækja sem aðstoðar viðskiptavinum sínum við að auka verðmæti, stjórna áhættu og bæta árangur sinn.

Reykjavík | Akureyri | Reykjanesbær | Húsavík | Selfoss | Hvolsvöllur | Vestmannaeyjar